

杏
花
邨
志

杏花邨志卷之十

邨人

郎遂

編輯

文章

序

余

璉

元人

重刻文選序

梁昭明享池祀夫豈徒哉如有所爲者知其有文選也必
人永其傳則人壽其享矣惟大德九祀予以貳郡是承以
墜典是詢父老具曰伯都司憲新文選之梓於燼告厥成

因相與樂之越十有三載予時備遣皇華謚諏炎服還有
以梓蹈災轍而告厥廢者乃相與嘆之再明年卽池故處
吾歸老焉聿感逮茲徒念罔濟吾既不果憲斯道又不復
政斯郡末如之何矣幾將來者豈不有我心之同然者乎
未幾同知府事張正卿來思惠而爲政將桓復斯集俾邑
學吳梓校補遺謬遂命金五十以自率屬靡不從化心之
身之度之成之播之揚之謠之詠之四方則之多士德之
伊誰爲之何日忘之宜有以識之奉議大夫前海北海南
道肅政廉訪使余某序

奉政大夫同知池州路總
管府事張伯顏助率重刻

丁紹軾

文遠號東鶴貴池人大學士

新建鐵佛寺後殿募序

先是萬曆丙午有耆民好言民情者陳于巡按御史曰鐵佛寺當拆爲郡龍從西來嫌重壓也曰相公墩當興爲水從東去宜開塞也郡公慨然信其言會祝聖寺僧某者與此寺僧構訟遂命拆去後殿亡何並欲移前殿前殿舊有大鐵佛長二丈餘難移則令碎三段移之余時上公車念此大佛者來數千年今不碎不可動碎之三段如來何罪于心何忍且碎之而不可更完則佛廢矣苦求畱之幸黃

郡公首肯而先所拆之後殿則余勸移之于相公墩曰除
害于此興利于彼一舉兩得之術也郡公聞言大嘉賞余
謬謂有善全之方爾時相公墩無寺而有寺大佛欲碎而
不碎將遷而不遷實余之力云不意有修怨于寺隣人者
則倡言拆寺皆余爲之而所以拆寺者皆寺隣人某使之
其訛言蜚語鼓譟一羣之孝廉文學茲不忍更述而今咸
人人明之無庸喙矣雖然人但明拆寺者之非余非隣而
未嘗明此寺之當拆與不當拆也如曰重壓來龍龍懼壓
乎此寺之後更有三台諸山皆來龍也如嫌其壓則必剷

去此數山而後可乎或又以過峽轉身處破之是或然矣而正殿旣不廢後構者必不能與正殿爭高是或無妨礙乎而余又竊聞寺之隣近有塋墓者惡之故輒爲有礙來龍之議嗟乎存一攸害之心則非拆寺而誣以拆寺主以各私其墳墓之念則不礙風水而謬云礙風水人情大抵然矣今僧人某者先索余疏裝大佛金身其徒某更欲復留後殿余樂從之且助之然不令其爲殿姑令其爲平屋僅丈四尺高蓋風水之說或未可信而鄰家墳墓或有礙是亦余心所不安也卽令曩被害鄰人典史張某及鄰典

不亦屯
史廖其者董之且令知今日興寺之人還爲前日受謗之人而被害之隣人今猶爲督工之鄰人也孰謂世無神明無天道哉噫嘻使人知有神明有天道則十方善信聞風布施不俟多言矣

鑑廷鑾

送湖山涵融大師序

自唐以來化人之鉗椎貴池開堂說偈者有南泉普願有魯祖寶雲有和龍守訥有景德懷義有甘贄行者而卓錫偶至者不與焉神僧邀會者不與焉池之邀靈於古德者

盛矣哉嘗見宋已前諸家有郭西禪院詩所謂西禪者當
在秋浦樓以外杜塢以內私意山川有幸天必惠貺化人
鳴板於其地今涵融大師果策杖至矣大師出世間世於
宣州來池宣教者十餘載泰和曾房仲先生設屠蘇齊山
供之地曰石林未幾以灰刼罷廼人三十六山之菰塢植
茗導泉爲樂者六七載絕口不道宗門語言文字矣池郡
士大夫復迎之湖山跌坐苦龕亦又數臘今諸公醺金卜
壤別創精藍瞻事大師而大師不之拒也我等凡夫可不
各輸絲粟之助而慶瞻其誠乎卽以是爲西禪嗣法可矣

引

柴望

雲岩仁和人山丁亥進士官池守歷陞陝西按察副使

重修西廡募引

予治池池上有梁昭明文孝皇帝廡僻西郊隅樹木叢深
徑幽邃古礎藉荒艸宋元明所立碑露風雨中苔錢蘚斑
剝蝕字欲滅崇禎末左兵之後惟寢殿僅存棲神而已明
池守祁司員所新兩廊鐘鼓樓烏有矣予自公之暇一稽
志乘貴池以昭明食魚之美而立名是池州之名池因於
貴池池之貴因於昭明錫封也世所行昭明文選相傳此

本選於池故寢殿前舊有文選閣貯其版大德九年同知池州張伯顏重刊此本以行有由也池志失載名閣亦久不存矣顧又聞梁大同時昭明常降神於秀山之民故秀山始請立廟與冕服陵近又嘗陰召米船救池饑一以刺客見夢於明四川巡撫孫仁孫警備得免於患一以秀山陵地被侵三見夢於明孝廉韓理韓曰之貴池令史鳴臯斷還侵地孫池人韓池之銅陵論則昭明之神靈於池祀於池豈徒然哉池故事歲以八月十五日爲昭明誕辰十二日迎神旣奉祀於祝聖寺知府事者率僚屬躬請駕今

予主其職行朝請禮禮畢一二生前揖而陳曰累朝贈封
絹勅珍藏幾五百年至崇禎末乃燬鬱攸矣明沿累代每
歲遣內臣不無擾於郡縣郡縣患之池縉紳請罷內臣遣
歲命府主祭謁如禮今池入大清版輿而故事相仍是亦
所以代朝廷也一二生因指寢殿之頽墜爲予言曰是治
也者事矣是治也者事矣願與寮屬共襄之併以告諸鄉
先生洎文學父老焉

姚子莊

六康歸善人宰石埭十餘載江東人士爭附門
牆卒後隣邑受業章兆荃請衣冠葬于太朴山

鐵佛寺重建山門募引

池郡鐵佛寺者創自唐朝額名光孝乾禪師開山卓錫哦
松之翰墨如新奎儒士暇日來游題壁之珠璣尚在宋紹
興之代鑄佛二丈餘尺發願於武人明嘉靖之年費鐵八
千餘斤補鎔於善士嗣後黃堂捐俸白屋施財象踞龍蹲
莊嚴莫尚琳宮寶殿漸次增華函香載塗鏗鐘徹旦誠羣
生倚爲福庇一郡借以壯觀迄於明終聿當世變黃巾寇
起緇室災延鍊馬金戈聲振武安之瓦朱甍繡棟塵埋賢
劫之灰菩薩故自低睂金剛徒爾努目幸未盡成初地猶
可再煥前猷皇清戊戌有白漢和尚者戒珠素潔忍鎔鑿

維狗善信敦請之誠謀恢復喬皇之計入寺而蒐葵燕麥
徒管領乎春風登堦而斷礎殘垣空飄零於夜雨乃克勤
募丐僅略具規模柰禪堂法侶寥寥幾個經翻對月卽香
積烟沉寂寂誰言鳥下空庭詢之形家翳惟山門之故咨
之輿論僉曰改建攸宜但工藉布金乃成力匪量沙可就
綴裘集翠聚米爲山若非廣告檀那詎能遽崇締構或傾
白鏹或捐紅朽或出豫章之材或捨河濱之器庶幾成之
不日入門無復舊經營苟能捐助如雲廢刹盡還新氣象
嗚呼滄桑屢改嗟廣積以何爲日月如流悲浮生之若夢

無虛善果早值良因將見寶額煒煌山門前重題鐵佛之
字宏功彪炳他年後復呈金粟之身矣

啓

郎遂

請許漱雪農部游杏花邨啓

水漲波平艸映池中盡綠春回風煖花開邨裏齊紅好景
無虛應宜策杖良辰堪紀所在留題恭惟某才高三楚澤
沛八閩出處眷戀南邦衣冠告辭北闕高山之仰原非一
旦浦水之游期在今時典型願奉先生步趨愧稱小友茲
屈文軒而夙駕特開選閣以登臨牧唱前岡踐杜樊川之
遺蹟簫吹古寺和貢文靖之高吟登湖山而眺長江彷彿

詞源倒峽攀鉢頂以瞻齊巘依稀文陣奇峰雙溪魚躍鳶
飛益增活潑之致九子嵐光翠色悉在指顧之間弔古洲
前每憶圓沙應讖汲泉壚畔空留易代興嗟郊原博一日
之游踪邨史傳千秋之雅話願聆首倡用效齊巘非惟地
主歡騰抑亦山靈幸甚

農部漢陽人幼讀書卽成誦一日啓書箚忽放異
香或紅光射粉壁種種瑞事崇禎庚午舉于鄉丁
丑成進士初宰溧陽會權貴以私憾交怨庚辰上
計謫晉藩幕再遷開興化法曹壬午分閩文武解
頭皆出其門尋陞戶部主事甲申御史薦舉大理
評事不就遂解組築遜園于海陵所撰文集爲貴
石齋陳臥子李映碧曹秋岳許天玉諸君評閱行
世今癸亥來游秋浦年登大耋與遂訂忘年交云

檄

劉光謨

觀明試門人州牧

續春遊檄

崇禎辛未誤

人世期歷年於百歲從來百歲希逢春宵酬一刻以千金
過後千金難買現今老成在望自昔曠達知名胡當逾稀
逾耄之暮齡頓乏樂水樂山之逸興道上樽罍絕跡若風
雨助我呻吟郊外車馬無聞令禽鳥笑人寂寞滔滔皆是
鬱鬱謂何豈修途未盡坦夷抑恒情自多拘繫力疲憚遠
猶慳取笑坊隅性懶厭煩且不隨人簡便權娛每際違於

此日牢落竟惆悵以終身思前同社風流已成陳迹念茲
下春日短更待何時忙趁九十韶光力破萬千俗障志追
淡泊習炫紛華會號八仙月凡再舉六品戒殺兩席同餐
飲處僅携二榼相從倦時另備一茶爲餉迭爲烟霞賓客
不速自來互作風月主人如期遄往盤桓務盡一日之長
游觀不越數里之外傍花隨柳會心即便與偕還勝尋芳
覲面莫容錯過東西南北任其所之動植飛潛視皆吾侶
且行且止聊與人同奚必方前人之駕一觴一咏惟求自
適何須擅作者之場行厨率意毋庸費杖頭之十千彈壓

清談但各罄胸中之一二酒酣罷去覺宇宙之無窮興盡
歸來識盈虛之有數履底可領畧一方目前足馳驅千古
會誠良矣樂莫大焉况屬舊交原非難事風光過耳易度
景色樸面堪憐願隨君漫爾徜徉勿謂我徒然潦倒

按游檄雖非專爲杏花邨作聞公解組歸其游覽
不越湖山杜鵑之間故此檄亦當採入以志高風

箋

陳錦宸

秋潭豐泉人明經

約友人游西郊小箋

時維季春景物暢茂經丘尋壑逸士之曠懷拾翠採芳雅

人之佳事爰諏良日敬迂高軒齊山古洞恐蔓沒以難登
西郭晴郊頗曠遠而可集杏花邨裏刺史之遺蹟猶存文
選樓頭太子之芳型未遠艸盈平坂映日鋪茵麥秀前疇
迎風舞浪堊花關艷交呈爛熳之輝好鳥爭鳴互奏笙簫
之韻若乃湖山縹渺俯雉堞而盼長江鐵佛莊嚴叩乾明
而隆寶相三台屹其鼎峙九子矗其插天窅堵望而笋立
精籃結而珠聯則尤吾郡之巨觀而游覽之勝槩也况有
優伶彈絲雲鬟度曲觥籌迭陳履舄交錯揚風扞雅雖難
希乎曲水之遊作墜流觴亦庶幾乎蘭亭之祓

疏

劉光謨

西廟募華蓋疏

威靈顯應功德永垂池民共切瞻依西廟特嚴報祀每逢
八月初旬更迎神而賽會近賴十方衆姓均施力以壯觀
乘輿載飭儀駕聿新加以冠蓋之陸離蓋稱士民之仰望
惟御蓋尚缺供奉致人情猶抱躊躇緣議論之既同矢貲
財之是助惟祈出之慨然庶幾功成遠矣頌巍巍之聖德
擬罄揄揚惓惓之羣生尚彰覆庇

讚

吳非

杏邨獨吟像讚

倚石爲几伸千百尺之紙吮毫而欲泚方將吐詞點墨而
未已杏邨者其故居里也想拈題當有取諸此吾以觀之
郎子考古今而志所終始頗勤勤其勿怠

以叶

教

周

疆

競菴仁和人郡丞有秋浦唱酬集

募杏花邨種杏樹教

照得杏花邨自杜公畱句而後遂成千古名區聞其風者
多溪卧游之思官其地者恒切春行之想但歲年既遠剪
伐時侵世俗不文栽培絕少廉纖暮雨止潤桃花搖曳東
風徒翻柳葉寥寥邨墅無枝畱燕燕之飛寂寂江城何樹
聽鶯鶯之語竹籬幾處誰停黃犢之車茅屋數間空颺青
帘之影茲者時際雍熙人安康阜言瞻古陌綠遍桑麻一

望新疇翠彌菽麥擬舫韻事點綴太平廣募士民董率種植或一戶而獨栽數本或數人而共樹一株其有闔屬紳袍願襄斯舉者名園購得尤稱天上瓊葩別業移來不數人間朱艸務期旬日之間齊列千章之盛庶幾長隄十里爛若紅霞平埜三春粉如絳霧玉壺人醉都太吟詩金勒馬嘶爭來問酒

上梁文

姜可久 又久號斐園貴池人

擬重建文選閣上梁文

文心相參大放才人之手筆選體合一聽操觚者之丹黃
事初始于昭明蕭梁獨稱太子勞分裁于學士劉庾等有
十人寄游蹟于貴池垂將八代藏著書于魏閣藉以千秋
在唐制盛行家誦五臣集注況元人傳本州來貳郤重鐫
伯顏率屬捐金余璉抽毫爲序旣滄海桑田之屢改遂層
樓貯版之無存特購遺書復基故址爲命匠而鳩工規仍

舊制雖竹頭與木屑費勿煩民爰卜吉辰落成興頌

拋梁東 朝暉日起照玲瓏天運有時爲草昧遺編尚可
啓鴻濛

拋梁西 斜陽入艸復朝隤莫道時光難再得老人秘閣

杖高藜

拋梁南 擁書萬卷性沈酣何假百城當一面眼通天地

並成三

拋梁北 得意忘言心已默文章大運不終窮自古迄今

傳筆墨

拋梁上 朱甍碧瓦矗千丈立身高際間青天搔首踟躕

空四向

拋梁下 樓前素練長江瀉抹將一筆画成圖烟水光浮

無晝夜

伏願上梁之後羣賢畢集先哲重光觀人文以化成攸關
治術披典籍而稽索大益詞場棟宇歸然殊高士夫之間
望雨風時暘其樂父老之登臨

順治間嘉善錢公黼由進士司李池郡以此題試
邑學諸生擬建文選閣于西廂併重鐫文選版行
世因海氛犯池未果然此題僅有此文可備故實
以啓來者

墓誌銘

成

梁二鴻無錫人崇禎癸酉孝廉自稱東林遺老司鐸舒州

明郎隱君墓誌銘

猗與先生孝友性植經濟學成其以隻身匹馬從容談笑
退十萬師而保孤城有豪傑士之才及塵跡一官卷懷明
哲歷三十載而娛山水抗隱君子之節如先生其合魯仲
連赤松子而爲一人者與秋浦之陽杏花之邨地淑人靈
子子孫孫千年萬世寶此貞珉

隱君夫婦原塋西一保水冲徐太史
有墓表今杏花邨復爲衣冠塚云

祭文

法若真

黃石山東膠州人五經中式江南方伯

西廂祭梁昭明太子文

康熙八載秋八月十二日余小子來自金陵至於池池人咸社祀昭明太子謂十五其皇揆也因渡皖江不克潔羊豕乃率爾爲文以祭之文章同心千古爲昭揚厲無思懼
咈神聽嗚呼天地處升沉而或變文章歷治亂而莫易豈天地之道不勝於文章豈文章之理足勝乎天地天地者氣爲之也文章者主乎氣而勝於氣者之所爲也發天地

而先見乎文章故龜馬肩足蒙象于兩儀之始分天地而後有文章故六爻八卦分錯而麗星辰華嶽之終伏羲神農所不足者堯舜繼之堯舜所不足者禹湯文武周召繼之禹湯文武周召所不足者孔子孟柯繼之孔子孟柯所不足者一變于荀楊再變于韓歐諸儒其中晉魏梁宋之間天地之道不可見而文章之理迄於終窮數百年剝復之幾天不得不生太子以羽翼文章之道天又不得不窮太子以帝王之位而故處太子於文章之士以挽天地之終以開文章之始此前有荀楊後有韓歐諸家所賴于太

子之發明以不墜一綫于茲者亦岌岌乎其危之也嗟乎
余少不喜晉魏以後之辭初學楊雄不能抉其幽而去之
讀蘇子不能獲其縱橫而去之讀司馬不能晰其條理而
去之讀柳子不能破其堅僻而去之讀韓愈不能沁其神
理而反覆於諸子百家上下於六經之典則而復惘然終
無所益丙戌秋侍中祕乃讀太子文選樂其華矣亦疑其
所發也游其美矣亦恍乎其所著也挹其洋洋矣亦容與
乎其所以泛泛也而猶未有所從也徵之以先王之陳說與
諸君子賢者之發蒙從容乎風雅之域而翱翔乎山川艸

木君臣父子兄弟正變之類出入乎詩書而潤澤乎春秋
易象之繁以及變風小雅之哀樂而猶綴之升歌管象而
播之金石使五倫不載胥于喪亂禮樂不盡壞于流亡余
乃撫卷而嘆曰太子之功其恢恢天地哉所可異者文章
或見于一日而其人不可得于聖君賢相之遭逢其人不
可見于一日而其文章又傳天下後世之聖君賢相而讀
之而復思見其人卽有其人矣而用違其才弗克行其所
志以或逆乎川岳降生之靈嗟乎此長沙之痛哭而離騷
所以繼小雅之悲憤而作也向使太子承大統南面稱孤

一時南北稽顙盡致高位執法術孰錢穀孰六卿孰外執
事遠佛教之邪說遵文章之大經以治天下亦未必無上
理然太子雖有治世之才而諸儒不盡撥亂反正之士且
一太子之賢而處家國難反之勢恐大之不能及兩漢之
風小之拯南北之危疑歸之于綱紀太子亦必熟察之俯
仰古今揣度國運內求之堯舜有爲之姿與外觀之諸臣
輔佐之所學而知梁家天下不過一片石頭僅告悔過于
祖宗而故翻然與游談著作采之春華秋露之文朝摘美
蓉暮抵白沙食池魚而嘆美攀名山而徜徉使天下文章

之道大集于文選一書亦使天下後世讀其書者思見堯舜禹湯文武孔孟之道庶幾其未墜也太子固于辭帝王之日而知天地之道可留于匹夫太子固于登樓著書之日而知文章之理不毀于俎豆嗟乎道勝于氣而氣盡於理天地之所以不窮文章之所以不大變也今日者小子承乏茲土以從事秋審之典過池水之陽邂逅太子之初度而登降乎俎豆之光大夫跼跼士女穰穰鍾鼓煌煌羽毛揚揚亦不知太子爲誰家之君王而亦不知梁太子之文章其何以至今日而終未淪亡嗟乎文章其可忽乎哉

書事

張邦基

宋人

書廟祝一則

東京城北有祆廟祆神本出西域蓋胡神也與大秦穆護
同入中國俗以火神祠之京師人畏其威靈甚重之其廟
祝姓史名世爽自云家世爲祝累代矣藏先世補受之牒
凡三有曰懷恩者其牒唐咸通三年宣武節度使令狐給
令狐者丞相綯也有曰溫者周顯德三年端明殿學士權
知開封府王所給王乃朴也有曰遺者其牒亦周顯德五

年樞密使權知開封府王所給亦朴也自唐以來祔神已
祀于汴矣而其祝乃能世繼其職踰二百年斯亦異矣今
池州郭西英濟王祠乃祀梁昭明太子也其祝周氏亦自
唐開成年掌祠事至今其子孫分爲八家悉爲祝也噫世
祿之家能箕裘其業奕世而相繼者蓋亦甚鮮曾二祝之
不若也

時藝

黃一鶴

山樵吳縣人

牧童遙指杏花邨

邨以杏著卽遙指而心醉矣夫杏花之有邨行人非不見也惟邨有酒非牧童則不知也一爲遙指醉鄉不在望乎且入當風雨瀟瀟之際徘徊道左荷蓑何往牧豎歸來酒債尋常青帘難見甚無聊矣一啓口而或者示我周行心焉數之非卽此小橋流水間乎如行人之借問酒家斯固清明時節也香車寶馬並馳陌上之風光此獨何爲適際

一時之春雨卽駕言出遊其不期然而然者有如斯矣抑
有核樽罍各記芳時之勝事彼何不幸更逢曠坐之蕭條
卽于焉征邁其不期致而致者又有然矣爰有牧童若不
忍其欲適之無從也爲之指以明岐路之無妨抑甚憫其
投足之無地也且爲遙指猶幸前途之可卽於是道中所
遇事不盡傳從此同行景猶堪憶芳枝倚旄偷出墻東此
杏花也非烟非霧掩映紅妝雨中之杏花也白雲半含牧
雨雨以歸來犬吠柴荆客行行而且至卽牧童遙指之地
也夫埜外之邨不一此何以杏獨傳倘所謂蘭陵美酒

金香者卽此杏花邨釀乎倚彼當壚欣然索醉且與花而
酬酢焉縱墊簌山肴漁樵雜坐所不論矣且邨中之酒家
亦不一又何以杏共名倘所謂小槽滴酒珍珠紅者均此
杏花邨店乎取彼杖頭願言旣旨且慰花之寂寞焉卽狂
歌屢舞杯盤狼籍所必至矣由是牧童復過而相慰曰向
者行道遲遲載渴載饑得無興致之稍減乎余爲指焉猶
慮道之云遠不意君子果至止也杏花無語爲之招矣可
卽以杯酒勞之由是邨中之牧童羣過而相告曰日將夕
矣牛羊下來或者歸途之尚遠乎從茲逝焉不妨故轍是

尋竊恐君子之戀杯斚也杏花欲泣賦將別矣可卽倩所
遇之牧童謝之嗚呼且看欲盡花經眼莫厭傷多酒入唇
牧童真解事矣花徑不曾緣客掃蓬門今始爲君開杏花卽
寧無主乎爲之歌曰昔我來思花兩霏霏今我日歸花亦
滿衣回首杏花亦不覺神情撩亂矣

杏花邨志卷十一

邨人 郎遂 編輯

戶牒

戶部洪武三年十一月二十六日欽奉聖旨說與戶部官知道如今天下太平了也止是戶口不明白俚教中書省置下天下戶口的勘合文簿戶牒你戶部官家出樣式那有司官將他所管的應有百姓都教入官附名字一一寫着他家人口多少寫得真着與那百姓一箇戶牒上用半印勘合都取勘來了我這大軍如今不出征了都教去各

州縣裏下着遶地里共點戶比勘合比着的便是好百姓
比不着的便拿來做軍比到其間有司官吏隱蔽了的將
那有司官吏處斬百姓每自趨避了的依律置罪便拏來
做軍領此除欽遵外今給半印勘合戶牒付本戶收執者
一戶郎禮卿池州府貴池縣杏花邨居住

男子四口

成丁二口

本名年五十四歲 男貴和年二十八歲

不成丁二口

次男觀音保貴懋乳名年七歲 孫佛保年七歲

婦女二口

妻阿操年四十二歲 男婦阿尹年二十八歲

事產

屋五間 基地八分

右戶牒付郎禮卿收執准此

洪武四年 月 日

安字二百二號 六花押

印

池諺稱郎王許戴謂貴池在城歷唐宋元傳于明
初入版籍者只四姓如戶牒所開其據也按族譜
禮卿公由人才舉官理問世居杏花邨爲郡丞文
韶公子承先啓後大振家聲生于元延祐五年戊
午卒于明洪武二十一年戊申子二長貴和公生
于元至正四年甲申卒于明永樂四年丙戌次貴
懋公生于元至正二十五年乙巳卒于明宣德八
年癸丑今室廬丘隴俱在杏花邨支派敘錄于左

族系

杏 邨 支 派

參議大夫
禮部
郎文部

貴慈
森
觀
士

貴和
勝

觀政
府

觀宿
莊

觀應

觀清

鉅理
學

鉅百
歲

鉅人
詩

鉅府
府

鉅
地

鉅
地

鉅
地

鉅
地

鉅
地

鉅
地

鉅
地

鉅
地

源

潮

深

深

深

深

深

深

深

深

深

深

深

深

子彬

子彬

子彬

子彬

子彬

子彬

子彬

子彬

子彬

子彬

子彬

子彬

子彬

子彬

國明

國聘

國聘

國聘

國聘

國聘

國聘

國聘

國聘

國聘

國聘

國聘

國聘

國聘

思善

才色

思誠

思誠

思誠

思誠

思誠

思誠

思誠

思誠

思誠

思誠

思誠

思誠

光祿府序

才色

思誠

思誠

思誠

思誠

思誠

思誠

思誠

思誠

思誠

思誠

思誠

思誠

光祿府序

才色

思誠

思誠

思誠

思誠

思誠

思誠

思誠

思誠

思誠

思誠

思誠

思誠

光祿府序

才色

思誠

思誠

思誠

思誠

思誠

思誠

思誠

思誠

思誠

思誠

思誠

思誠

吾宗自貴和貴懋兩公而下支系蕃衍分籍于鄰
邑遷居于鄉邨都市詳載家乘班班可考所有宦
業文行孝友節烈之可紀者別有傳誄志銘悉登
中山掌記一書卽近今五松蜀山派諱應徵公以
薦揚高第遠鎮西川勲猷丕著封宣武將軍爰有
且園紀略用傳不朽茲邇有明以來能守先廬于
故邨者略述世次以志本本水源之思然自崇禎
癸未左寧南屯營而後又有乙酉之變廬舍盡成
灰燼今惟遺址尚存恢復故物是有望于後人

吳非

戶牒歌

天下太平不出征當使百姓歸農耕大哉王言救
下部司徒戶口欲分明家爲給牒與收執貴池畿
內遵先行安字二百有二號半印全押篆文清與
者誰姓名杏邨郎禮卿事產只基屋男婦六口兩
成丁洪武初來三百載其後謹藏傳至今我爲覽
訖三太息不如一紙猶得垂雲仍嗚呼不如一紙
猶得垂雲仍

陳元鍾

書杏邨世系圖後

郎氏世多賢煥煥照千古或以耆耄傳微言箴臺
府或以勲畧著荷戈稱禦侮尚有俠烈者單騎造
猛虎談笑退雄兵辭榮歸田圃今閱世系圖忽焉
爲起舞譬在山陰行得與日月覩舉世盡斯人天
不煉石補

甯士玠

介夫青陽人與兄士瑜俱以積學著

過杏花邨郎仲久隱君故里

郎子趙客負才名余兒子霖自皖歸手其
詩篇見胎秀氣盈眸才鋒肆出始杜紫薇
後身耶今過其先世故里並獲讀先大父
傳誄高行隱德無愧古人蓋淵源有自矣
因感賦二
十韻寄之

秋浦髣髴似瀟湘杏花邨裏處士莊水碧山丹鍾
環異中有璧人吟縹緗吟成錦機七襄織紫鳳翩
翩舒彩翮聲名藉藉江淮間誰其知者由祖德惟
君之祖蘊至性雞鳴盥櫛勤溫清浣滌裙屨老不
懈孝謹還過萬石慶質行雖非游俠侶每逢緩急
亦輕與遨遊偶托鳩茲邑流離曾拯難中女貧來

不肯拾遺金惡其棄地待其人待之不至不爲已
買絲繡佛且飯僧無端左帥忽翻然百萬貔貅塞
江邊胡畧居民甚豺虎城頭日夜愁烽烟備兵程
公行募客何人能作魯仲連惟公應募單騎去談
笑一發迴戈船後來程公晉中丞蕪關開府建節
新念功題公不受賞拂衣長嘯終隱淪嗚呼孰謂
醴無源孰謂芝無根如公節行宜昌後不在其子
在其孫他年名成鼎顯秩大書先德光碑碣吾今
雪夜發浩歌古道猶疑照顏色

江表釋舞九華人

湖山歌吊卽仁孝先生

諱必光號亮菴私諡仁孝先生

我登湖山山上頭極目但見江雲流江雲浩浩蕩
胸臆大地烟霞一望收中山先世曾居此背枕湖
山面湖水杏花邨裏雜漁樵漁歌牧笛聲盈耳祇
今遷徙改風光花發猶聞邨酒香何人冑向湖山
過醉臥花茵送夕陽仁孝先生愛花墅山莊別有
梅之渚時時載酒杏花前寄懷常愜漁樵侶信步
還登湖上山觀空塵世舒襟顏何當化鶴乘雲去

不共湖山相往還

華黃 中湄無錫人池州教授

過杏花邨懷郎亮菴處士

重過杏花邨心傷舊郭門
主人已長謝花事向誰
論烟月谿山老風霜竹木翻
得偕天下士令子暨
文孫

傳奇

王爾綱

紹李建德人

杏邨醉雨

生扮杜牧之冠服帶二從人上每逢佳景便欣然詩酒
相酬興欲仙最喜政閒官舍靜齊山游罷又湖天下官
杜牧表字牧之本貫萬年人也曾作阿房賦遂得解頭
頗叅澤潞謀見知名相重舉賢良方正之科累遷史館
修撰之職日今出刺池州號爲紫薇太守且喜政簡刑
清自公之暇得以畱覽山水嘗攜茶游金碧洞有袖拂

霜林之句。提壺登齊山。有江涵秋影之句。此亦不過偶然乘興觸爲此語。有何佳處。聞四方傳誦。大抵詩因名重耳。笑介這也罷了。昨偶扁舟平天湖上。風物絕佳。又聞西郊最多古蹟。欲往一游。只是人知爲太守。亦落俗氣。我如今不免換了巾服。仍同舟子前去。大家散淡一回。豈非生平快事。左右可喚舟子過來。舟聞得招舟了。忙來聽指揮。舟子叩頭。生我今欲往西郊。只你同去。持作尋常遊客。路上只以相公稱。我便是。舟曉得。生換巾服云。正是山水羞沾紗帽氣。陶然一醉有餘歡。生舟上

岸左右先下生。你看條風布煖，霏霧開晴，泥燕紛飛，流鶯百轉，又是一番景色也呵。

新水令。生：東風靜，細柳舒眉，乍流鶯，歌聲如吹，纔離了湖水地。又：早到畫橋西，芳草迷離。又：恰正是清明天氣，下

步步嬌。丑扮牧童上：終朝陌上閒遊戲，短笛橫牛背。自家牧童是也，不免帶了牛，往西郊走一走來。青鞋不惹泥，

踏破深紅，穿殘綠翠，乘興縱鞭馳。何須寶馬拖金轡，下

折桂令。生同舟子上：行樂處，油壁輕肥，慣游的，揆盒攜壺，帶幕張帷。呀，雨來也。又：只見鴉亂驚啼，蝶愁倒墜，燕阻斜

飛不免在小亭歇息片時。行人走科。你看行人路上好恹
惶也。一陣陣帶雲來。沾衣欲濕。一點點借風至。吹而難
支。此時須得一酒家痛飲方好。欲暢我游思。須尋個酒旗。
你與俺忙問那舊日黃鸝。又何妨效古人。便解金龜。面前
面有一牧童來也。待我問一聲。

江兒水丑上寒煖輕相遞。陰晴變霎時。等閒間。隱却了春

光媚。舟牧童丑甚麼牧童面上有牧童兩字麼。舟你不是

牧童是誰。丑如今的牧童大了。本府太爺也叫做牧之。

舟就叫你牧童哥。借問一聲。酒家却在何處。丑驚笑云。

原來是問酒麼。我只不說。你若要酒。須邀我吃一杯。方可教你舟待我與相公說知。向生說介生有何不可。就叫他同去。舟向丑說介丑待我繫了牛來。等閒閒。復見了春光媚。問旗亭。却藏在溪林內。到前邨。便買得青帘醉。相公酒量好麼。舟何消說。丑你是個海量無疑。舟你却插不上。丑也須要倩牧童作對。生就此同行。一路古蹟。你可曉得。丑畧知一二。生細細說來。丑那是虎山。

雁兒落。帶得勝令。生俺只見虎山峰。聳秀姿。丑這是雲嶺。生俺只見棲雲嶺。橫天際。丑這是土城。生俺是見土城。

邊桑柘垂。丑那是古塢。生俺只見古塢中。泉香沸。丑這是
文孝祠。生俺只見玉瓶兒。現貯在文孝祠。丑那是西禪
寺。生俺只見西禪寺。有鐵篴吹。丑那是杏花邨了。生俺
只見滿邨坊。霞成綺。俺只見出牆頭。錦作圖。似這等雨洗
後胭脂膩。更勝那日照來。文繡披。堪題。俺待要蘸霜毫。詩
言志。休嗤。拚一個倒金尊。酒沁脾。

僥僥令丑桃紅何足美。梨白未爲希。文杏千株。誠堪異。生
是何年種的。丑也不記。是何年種得的。是何年種得的。
收江南。生呀。早知道這般樣絕盛呵。又何必上林枝。近人

傳杏花邨有二。都在金陵。一在鳳凰臺下。一在芙蓉山
畔。未有如此之盛者。休誇那鳳凰臺下碧參差。芙蓉山
畔綠依稀。這花邨最奇。這花邨最奇。真不媿名流相賞共
題詩。丑來此已是酒家。相公請進酒。保拿酒來。保難道你
也同吃酒。丑這位相公。特邀我來。薦到你家。爲何反輕
薄我。快拿酒來。

園林好。丑正對着珊瑚滿枝。須斟取真珠滿杯。擺列鮮餚
美味。任解下杖頭貲。又保酒到。生你兩人都坐下。丑須行
一令纔好。生甚麼令。丑各人將本事吟詩一首。生你就

吟來。丑吟詩云草鋪橫塋六七里，笛弄晚風三四聲。歸來飽飯黃昏後，不脫簑衣臥月明。生這是古詩。丑如今多少人抄寫舊詩，豈但牧童。生休得取笑。丑相公請吟。生我就將今日卽事咏一首。吟詩云清明時節雨紛紛，路上行人欲斷魂。借問酒家何處有，牧童遙指杏花村。丑妙之極矣。舟你曉得甚麼妙。丑多少人看詩，一味叫妖，又豈但牧童。舟一發胡談。丑老兄請吟。舟我不曉得做詩。丑明日情人補一首來。生休得取笑，且自飲酒。

沽美酒。生論人生須及時，恣樂情，莫待遲。雜坐開懷一餉。

爲晴和雨。難預期。漁與牧。盡忘機。看當前。花開如織。一霎
時。花容盡濕。趁今番。花香共惜。待來朝。花梢淚滴。因此上。
情狂興怡。怕零亂。心慵意痴。丑酒來。保酒到。生俺呵。願朝
朝典衣。但日日。唧卮呀。這纔是小杜君。勝游情事。天色已
晚。舟子將杖頭錢解與他。就此回舟去也。保錢太多了。
生拿去。保謝相公。丑承攜了。我也收拾牛去。生你不消
等我。我緩緩兒行。牧辭先下。

清江引。生風流太守無人識。帶雨同花醉。遊遍杏花邨。已
盡西郊致。願畱贈後來人。還復爾。並下。

杏花邨志卷十二

邨人

郎遂

編輯

雜記

或疑杜牧所游杏花邨在金陵詩人張南邨寓池因詢之
張曰予金陵杏花邨在江寧縣治西逼近城隅第好事
者訪古種杏因以名之耳故張游池州杏花邨詩云金
陵亦有杏花邨恨少詩傳似秋浦

漳湖范又蠡龍山看杏花賦有云壓秋浦之名邨蓋池州
之杏花邨盛於昔而皖江石塘邨之杏盛於今也

張鹿牀明府云江右玉山縣亦傳遙指處余按廣輿記泊名勝諸書皆未載吾郡實以牧之刺池得名故他處不得爭耳

按廣輿記載池州古蹟曰杏花邨在府城秀山門外杜牧詩遙指杏花邨卽此曰文選樓在府城西昭明太子建按鹿田主人所輯輿鏡載貴池古蹟列虎林城秋浦樓文選樓杏花邨昭明釣臺

按大明一統志載聖母橋在城西四里文選閣在城西五里昭明祠在焉俱以古蹟故不遺也

三台之中台名虎山見舊鐘磬鑄字俗人指爲吳虎林城地似誤按虎林城當在今李陽河不必附會于此
湖山之麓邨農掘地嘗拾古硯相傳爲宋貢院試士所遺者

湖山或曰當作胡山昔有胡將軍屯兵於此故名

龍眠楊臣諍所刊龍文鞭影有渡傳桃葉邨名杏花之句
自注略云唐杜牧鎮秋浦清明日游杏花邨地在池郡
秀山門外併載明太守顧元鏡五言律詩一首

按秀蓉袁氏家乘載袁雲鳳由唐武德進士歷仕池陽遂

家焉郡北舜井街是其故址雲鳳卒卜葬杏花邨其後
遷華西之陽明溪萬曆甲午袁德顯登賢書

池諺傳杏花邨有井泉可作酒沽自呂純陽投飲邨店中
索酒不至因題井水當酒賣之句自是泉無酒味按徽
州府亦傳此跡

先郡丞文韶公仕宋季入元築煥園隱居杏花邨里人汪
民祇嘗謂遂曰昔見邨童拾古圖章上鐫煥園二字邨
人張翰青又謂遂曰昔邨農耘田得錢器形似雲版上
鐫有宋年號及郎字餘莫辨

青陽趙邨張氏稱望族洪武初遷自杏花邨有祖墓在貴
池城內關壯繆廟傍見族譜後人張思曾由孝廉官魯
山大尹致仕歸里有過先世故宅詩

友人來自營平搨泰陵公署碑記見貽其序事略曰予家
世居杏花邨嘗欲僦樊川杜公經游處築環堵室誅茅
蒔蔬琴書自娛矣不意於冷宦時能作如是觀也云云
此亦吾鄉宦蹟故存其略以備考

杏花邨陳潤唐時人與杜荀鶴爲姻婭今閩揚州府志有
陳潤登栖靈壇詩曰壇廡出招提登臨碧海西不知人

意遠漸覺鳥飛低稍與雲霞近如將日月奔遷喬未得意徒欲躡雲梯惜未詳里居錄之存疑

桐城周曰赤弔黃侍中詩結句曰谿畔祠堂何處是翠微峰外杏花邨今文貞公特祠在東門外距清溪五里杏花邨在郡治之西余擬請建遜國三忠祠于湖山之麓祀侍中黃公觀給諫陳公敬宗侍郎金公焦以三公未嘗合祀亦闕典也

明陳中翰士祥工書法嘗自署杏花社陳某見諸詩幅題楔間士祥貴池人所著有成仁錄燕游艸八傳軒詩稿

顧太守飲杏花亭乘醉獨步清涼境偶遇女子因問何故
畫行女誦豈不夙夜畏行多露之句畲之顧公因戲題
浥露亭於壁間

青陽扇海內爭寶之嘗乳金画池陽諸景圖而杏花邨酒
圖居其一鷹阿戴本孝有青陽扇詩九華漢製占難求
此日青陽隔歲收濃染楮皮山柿液縷分竹肋水蔥頭
映將殘照顏如醉惜與芳蘭氣未投更有方圓還五色
一般金碧細來勾

余笥中藏有香笥周圍雕杏花邨圖鏤刻精妙誠爲高手

惜不得姓名以傳吳溫齋先生有詠杏花邨圖香筒詩
見藝文

劉坦心慕樓居無力購之文徵明寫層樓見貽嘗縣置草
間名曰神樓楊慎賦有神樓曲今此画人爭以十萬錢
構之是真樓勿若矣廣陵孫鼎擬構一園不就彷彿明
神樓圖作想園圖沒後子繼登追慕先志更命爲想想
園祭酒吳偉業觀察宋琬並爲文記之余喜邨居江上
名人嘗作杏邨別業圖置余讀書其中古今事亦略同
也

蕉窗詩話曰以賢刺史如杜牧之携茶游洞問酒花邨自
是千秋佳話但清明一絕第三句借問酒家蓋從路上
行人言也四句一氣如李白詩橫江館前津吏迎向子
東指海雲生郎今欲渡緣何事如此風波不可行皆一
氣轉執此以謂刺史自問則泥矣

李侍御題史岩詩曰重來游宦地歡舞動成羣烏避新驄
馬花迎舊使君翠微晴帶雨蒼玉暖生雲猶記東風夜
尋詩過杏邨味詩意侍御曾游杏花邨賦詩而後登齊
山也惜其名與杏花邨詩俱不傳或疑侍御爲李雲貴

溪人弘治間由進士司李池郡擢監察御史重過舊地
賦此詩也

唐一沂曰萬曆時池州有謝癱子臂常就地以手襯足而
行人恒憐而與之食丙寅冬偶拾遺金二十兩越宿見
有一倉皇呼額而至者問曰君爲遺金人乎固存無患
耳客不勝欣慰忙作揖申謝癱子竟忘已之廢疾起而
會禮迨揖起而其下體忽伸自移足試之竟能濶步矣
嗣是以風鑑擅名言人休咎悉驗人疑爲神授云或曰
謝爲杏花邨人錄之存疑

杜荀鶴舍前椿樹生芝艸明年及第以彩餽之貯於盤中
列於几上號曰科名艸杜嘗築別業於杜鵑此其逸事
故錄之

唐人謂杜荀鶴詩三百首妙在風煖鳥聲碎日高花影重
一聯近有人作杏花邨詩全鈔一聯余不敢採入

按典籍志載宋胡兆謨秋浦志八卷宋王伯大載秋浦新
志十六卷其記邨中故實必詳惜其本不傳

宋尤袤藏書有池陽集秋浦紀曹緯又著有秋浦集今只
存其名吾池文獻多不可考亦不僅邨中事也

半禪道人題鍊佛寺聯云有人相說是鐵有我相說是佛
無人我二相卽佛是鐵卽鐵是佛執慧空見是佛執塵
空見是鐵渾慧塵一空何鐵非佛何佛非鐵又題山居
聯云睡到三光天不管丟開八字鬼難尋所著有我詩
行世集中警句有日歸猿攀碎林間月去鳥飛開石上
雲人盛傳之桐城潘江輯龍眠風雅爲作寓公傳

宣城湯霍林太史晚年林居嘗游池陽寓丁文恪西郊園
林有題鐵佛寺聯云佛自西域來大冶洪爐是鐵皆堪
鑄僧從十方至孤雲埜鶴何天不可飛

宜興陳銘以振鐸貴池佳山水無不畱詠如題文孝祠聯
云成性時自然仁敬孝慈聖賢中一太子結胎裏純是
文章禮樂帝王家真大儒乾明寺聯云偶從空色畱金
相羣在慈悲見鐵心虎山淨林聯云靜鎖山門雙寶塔
遙開佛供九蓮華此吉光片羽俱屬可傳因備錄之

湖山窺園圖画卷秣陵王彬真蹟筆法似五峰任氏父子
今藏于七松里董商侯家有九華吳光裕浯溪方元美
諸人題跋

窺園中絜石爲山具有丘壑之勝癸亥夏廢之移置邑署

按輿地名勝志謂秋浦樓卽宋秋浦亭似誤秋浦亭在今
清涼境秋浦樓卽今秀山門城樓不可以不辨

文選閣遺址原在西廂後庚申歲秀山僧請于郡守移建
昭明冕服陵側梁時故址無有過而問者

問蕭樓在宋試門以池州之有文選閣因以名之今廢按
詩顛寄吳筏絕句曰經年遠出是孱翁卽得宵分共酒
筒聞說問蕭樓作市紗帷何處督諸童卽指此

景蕭樓宋狀元陳舜俞建于池州久廢明李春達築環碧
園掘得景蕭樓斷碑按景蕭亦志慕昭明也

按昭明庠記謂神元首爲江西巨商竊去今考饒州府志載嘉靖間有商于池者請神元首歸祀之因建祠于東門外名郭西猶不忘其所自也

西庠神道坊兩石柱相傳從水中浮來

貴池四境分保三十有六有數保遇歲旱相率來西廟井中取水僭水者各持柳枝衛之以防他保阻奪至則登壇祈禱時雨立降咸拜昭明之賜若郡城取水必至杉山山絕頂有溪潭謂有龍潛其間旱極率以鱣鱉之屬投之亦輒應

杜鵑詩集兩種一爲貢士鎬鎮樓著今藏於家一爲湖上
孫黃齋著今散失不傳其遺稿數十首藏潛修菴僧赤
霞處余與王紹李擬醵金梓之

孫侍郎仁有請罷杜湖漁戶進沉香鯽疏今逸

吳園次太守金陵蕭瑟詞有杏花邨一調初疑杜牧問酒
處在白下及癸亥游池州考據郡乘訪尋舊跡因賦詩
正之有曰小杜曾經刺此州佳名應自爲賢侯

鄧舍人贈池陽太守詩有閣臥九華雲氣入行春五馬杏
花多之句可稱雅當

左兵臨池近邨居者皆遠遁有畱題酒家壁云不問主人
沽一醉無錢掛杖且相賒

楚人何朝宗天崇間官池漚丞與太守顧元鏡登眺開亭
及湖山唱酬每至達旦朝宗有詩曰遊到夜分身帶露
却疑山翠濕行衣蓋實錄也惜杏花邨題咏佚不傳

崇禎十一年戊寅春杜鵑山掘白土如麴居民以之充食
俗呼觀音粉

崇禎己卯春學臺使檄臨池試期迫時王公家桂兼貴池
青陽兩縣篆卽合兩縣儒童試於演武塲紳壇人張蓋

於几貴池吳蒼竹以作兩縣題文共四藝取首

史閣部可法崇禎中以兵備道駐池州時當流寇日熾公朝夕訓練士卒于西郊演武塲池人士多所拔識後移鎮維揚殉乙酉之難

崇禎末有老僧居三台菴自稱四明人號青蓮能通慧一日見小兒啼剃髮老僧曰數年後白頭翁皆如是也初不解其故及鼎革信如其言其將圓寂也入城遍辭諸檀信而別後卽塋之瓢菴廢址側

順治二年夏五月 本朝英王駕駐池州新製一坐椅及

班師賁至西廂今存梁太子龕內

順治間杜鵑梅雨忽漲有蛟隨水去湖干居屋崩陷

順治間池太道吳公允謙奉命受浮梁陳九思降於池郭
西演武場開宴禮待吳問陳曰公十數年來常在何方
陳答曰天地之大無所不可

康熙間乾明寺延高僧數十衆長期三載頂禮千佛懺頗
稱法會之盛

康熙十三年甲寅楚豫告警池州有滿洲蒙古防守營中

有施沙喇哈番品級章京

漢銜稱爲防禦

步西郊題詩縷圖於

栖雲菴竹林中頗有騷人墨士之意

康熙十八年己未正月二十三日午時虎伏虎山三台菴
數人搏之先數日有虎至弔橋陳氏屋內

沈敦仲爲施下之門人來自九華池人欲築室于杏花邨
講學未果有題淨林聯云邨酒指牛童壇花愛昔曾名
杏天經敲魚子厓竹瞻今却是蓮所著有朝聞論行世
無錫華中涓師以名進士司教池郡嘗有名流過訪一日
因惠泉酒缺輒以邨釀代之同人分韻賦詩鄧孝威有
便是杏花邨酒足故鄉泉釀阻風波之句

杏花邨志書後

池陽杏花邨在郡治西久經兵燹杏多殘相傳唐刺史杜牧之詩所云牧童遙指者是也已未夏先大夫來佐斯郡自喜官閒署靜且山川秀美思得二三知己相與間酒尋魚訪梁唐之故蹟一詠一歌差可云快於分內職掌不相妨也乃竟以他事疲於奔走席常不煖雖池陽諸名勝苟非因公務不獲一至其處而坐嘯題詠於其間惟杏花邨去城里許道每經由想慕其風流遙憶其遺踪行爲歌什若其他多無暇及矣辛酉春鄉先達郎君子四牋先大夫

語及池陽古蹟近則西郊爲最幽曰余家世居杏花邨歷
有季所姪孫趙客氏讀書好古著有杏花邨志敢求弁首
以傳且爲遺蹟增重焉先大夫曰趙客之人品之文章予
知之久但未見其所爲志也其志若何先生曰志凡十有
二卷於古來景物名賢藝文無不備載稽考頗詳密無遺
先大夫聞之嘆曰趙客年甚富而能閉戶著書如此使異
日出而膺民社必能以其風流文采照耀江左也內而司
史局必能以蘭臺之筆擅無雙者也其傳有自來學有所
本洵不虛矣序何辭旋以王事勤勞不果筆今王戍秋

趙客顧我於千柳隄畔問先大夫清風閣遺藁有西郊題
詠否將採以入集也坐少間徐言曰先師曾許爲序杏花
邨志至今思之言猶在耳不可得其筆矣則更請序之以
繼先志予泣而對曰嗟乎予不幸於去夏遭先大夫之變
今一年來又有先兄之慟驚魂未定形神俱憊生且不有
尚何言文顧以予獲叨世好文字往來歷且有年或志登
剗劇惠我全帙使予得上下古今畱連往蹟博覽其文章
遙接其人物如太史公之歷遊名山大川而文有奇氣者
亦將於此志得之序志則願以異日乃趙客復寓書予曰

文與可輯龍山志以不得孟嘉孫盛兩文而止今某必不
使此志有遺憾也余不得已不敢以先大夫責而追書
其語次以應之

宛平汪敷敏提宣氏拜謨于文貞祠

杏花村志後序

志公為言志也志即史也自司
馬氏紀傳世家年表後班固
堅勦為十志諸如天官河渠禮
樂刑罰之類體雖不同其為史
一也蓋取吾古子志在春秋

之義云此外如張茂先之博物
則又專以書得名與史義無
涉若地輿一統以及各府州縣
則以紀疆野疆域人物土產古
蹟藝文而總名曰志體名不同
後之作史者資以採擇則亦猶

之乎史也村之有志曷昉乎吾
宋之前聞矣曰有之自卽子趙
客始趙客之志杏村也志村也
乎哉夫吾池之前有杏村也以
移之詩傳而移之詩之傳
於杏村也又安知後不以趙客之

志傳按徐州曹縣朱陳村種杏
一百二十里花開絢爛無比此
何以不傳以無如收之者之詩
故即以杏花村論在金陵者
有二一在鳳凰臺一在芙蓉
山鳳凰臺有李白鳳凰臺上

鳳凰遊之句傳鳳非傳吉也笑
容山則亦付之秋江冷落而已
寃之此兩村皆不傳而獨池之吉
花村因牧之以紫淤良出刺焉
池風流蘊藉照耀千古清明
一統農夫老嫗可解至今里

塾童子每樂誦而稱道之
而池杏花村之名遂較之他
所為甚著使不得趙客起而
志之則千百載後不幾令杏花
寂寞笑人哉趙客祖居杏花邨
自幼負異才讀書多識奇字

如揚子雲數年前曾以擬撰
吉村別業詩屬余和今甲子
夏仲渡以村志見示余受而
卒讀未嘗不嘆趙客之用力
勤而取材博也詩如山川人物
藝文雜記遠稽近取不遺

餘力昔張平子賦兩都精思
博會閱十載乃成左太冲作
三都賦亦殫思十餘年門庭
藩溷間皆著紙筆擬之郎
子遲速或殊甘為用心則一也
今

天子稽古右文屢下詔求宇內
博學宏詞山林隱逸之士且近
有

編音編輯海宇全志池郡大夫
觀察使者旦夕以趙客應俾
得出入金馬絡筆札校書石渠

天祿抽金匿石室之藏討大小
酉山之秘予以鋪揚

國家大一統無外之治舉凡薄
海內外梯航重譯而至者扶桑
若木之墟無不以累之長短
測里之遠近將由一鄉以推之

一國由一國以推之天下皆自
杏花之志始之然則趙客之
志杏花村也志村也乎哉

同里章世德楓菴氏題於

環翠軒



跋

歲壬子

天子詔京省督撫大臣檄州縣編
次志乘以備修昭代一統志甚
盛典也時余池州郡牧朴公孟
珍遵奉憲檄乃謀之邑宰張公



紫巖公素聞吾師吳詒齋先生
高隱著書畱心掌故致聘牛岡
凡數請而後赴郭吾師不肯獨
任更舉二三子分理之時余方
弱冠亦襄事筆墨後以姓名列
之校讐請削除之爲嫌也時詒

齋先生賦長歌紀事有曰三十
年來讀過書于池故實拾遺餘
用備郡乘補缺略犯人之忌何
如無如其無備徒仍襲胡容我
輩事此乎讀此數語可以知當
日情景矣全篇載余同聲集中

越乙卯余携兒輩讀書杏花邨
舍先人之室廬丘隴在焉前賢
之遺踪勝蹟存焉客有過余者
問酒黃壚垂竿白浦致足樂也
閒則稽往帙摩殘碑剪荆擗棘
搜泉石之趣爰擬翔立邨志凡

名勝建置以及人物藝文一有
所得卽散錄注一篋越數載不
下千百紙始貽書牛岡深處商
確定例而後起稿稿凡數易而
後成書以前人之曠舉至今日
謏劣如余方補此缺未敢期速

成也竊憶蛟門汪舍人嘗曰往
古忠孝節烈名宦寓賢隱淪才
藝之士間世而出而今家龍比
而戶曾閔老而寡者以節書貴
而不必德者以賢祀鄙詞惡札
繁縟連篇文字至今何獨盛也

當其執筆者不過取舊集而繕錄之安有所增益數月而集成署其端曰某年某官鑒定要名焉已耳以是爲志何以昭信而垂後耶凡此載筆之難以分理之較甚於獨任也余輯邨志人

不余爭忒取惟嚴可以略抒已
意至若名勝詩篇騷人韻士不
過爲山川點綴又不必別作者
之有貞邪也論定人品自有國
史在或曰子於杏花邨志一編
筆則筆削則削則吾豈敢

西樵子郎遂題于芝草堂
之東軒